

# INUIT ATAQATIGIIT

## Inatsisartuni



Nuuk ulloq 10. august 2017

Inatsisartut suleriaasianni § 37 naapertorlugu Naalakkersuisunut imaattunik apeqquteqarpunga:

1. **Ilulissat ukiorpassuarni talittarfeqarnikkut ajornartorsiuteqarput, misissueq-qissaasinnaanermut aningaasanut inatsisisakkut aningaasaliisoqalersaarnarluni?**
2. **Ilulissat eqqaani talittarfiusinnaasutut takorloorneqartartumut mittarfissaq sunniuteqassanerpa?**
3. **Takornariarpassuit tikeralersinnaaneri takorloorneqarsinnaalluarput, taakkulu amerlanerussuteqarluartut angallatinik kiffartuunneqaqqittarunarmata, qanoq aaqqiisoqalersaarpa?**
4. **Qasigianngui-ani talittarfiup sukumiinerusumik misissuiffigineqarnissaanut (tilstandsrapport)-imik siunnerfeqarluni aningaasanut inatsisikkut immik-koortitsisoqalersaarnarluni?**
5. **Ilinniartut najugaqarfii Aasiaat-ni Niels Egede-ip aqqusernaniittunut aningaasanut inatsisikkut immikkoortitsisoqalersaarnarluni? qaugu? qanorlu inissiat amerlatigisut?**
6. **Ilinniartut najugaqarfii Sisimiut-niittut aqqaluartaap aqqusernaniittut barakkitt aningaasanut inatsisikkut immikkoortitsisoqalersaarnarluni? qaugu? qanorlu inissiat amerlatigisut?**
7. **Siorarsiorfimmut sullorsualiassamut putorsualiorsinnaajumnaarnermut nunatta karsia aningaasanut inatsisikkut aningaasalorsorneqarsinnaanera takorluugaanerluni?**
8. **Siorarsiorfimmi nunatta karsia aningaasanut inatsisikkut nunagissaanermut, kuuffissalersuinikkut aqquserniornissamullu aningaasalorsorneqarsinnaanera takorluugaanerluni?**
9. **Nukissiuutit kallerup inneruppat aammalumi imermik pilersuisinnaanermi atortorissaarutit atorlugit kiassarsinnaanermik tunngassuteqartunut Siorarsiorfimmut nunatta karsia aningaasanut inatsisikkut aningaasalorsorneqarsinnaanera takorluugaanerluni?**
10. **Nunaqarfimmi Naajaat-ni Upernaviup nunaqarfittaani pisiniarfiliorsinnaanermut tunngasut qanoq pilersaarutigineqarpat.**
11. **Nunaqarfinnimi allani pisiniarfiliorsinnaanerit imaluunniit toqqorsiviliorstinnaanerit qanoq takorluuiffigineqarpat?**
12. **Nunaqarfiit tunisassiornikkut inuussutissarsiornikkut soorlu aalisarnikkut tunisassiorfiisa inerisarneqarsinnaanerinut qanoq takorluuisoqarpa aammalu qanoq tulleriinnilersuisoqarsimava?**
13. **Nunaqarfinni tunisassiorfinnut aalisakkerivinnut tunineqarsimasut illoqarfinnut ingerlateqqinniartarneri ajornartorsiorfiusarput, soorlumi oqartoqartoq ullut pingasut aalisartut tunisippata tunisisinnaaneq ulluni isikkanilinni ma-toqqassaaq, assartuinikkut akulikinnerusumik nunaqarfinnut tikittoqartarsinnaanera RAL peqatigalugu takorluuisoqarnerluni?**
14. **Meeqgeriviliorstinnaanikkut Kullorsuaq Upernaviup nunaqarfittaaniittooq aningaasanut inatsisisakkut 2018-nimut periarfissaqarnerluni taamaattoqarsi-manngippat qaqugumita? nunaqarfimmi inuttusiartuaaginnavippoq.**

**15. Nunaqarfiit arlaani timersortarfeeqqammik sanasinnaanermut ukioq 2018-nimut aammalu missingersersuiffiusunut 2019 – 2020 – 2021 immikkoortits-isoqalersarpaat?**

**16. Sananeqartussaq imaluunniit sananeqartussat sumi pilersaarutigineqarpat?**

(Inatsisartuni ilaasortaq Villy Olsvig, Inuit Ataqatigiit)

**Tunngavilersuutit:**

Naalakkersuisoqatigiit isumaqatigiissutaat quleqtaqartinneqarpoq Naligiinneq - Toqqis-sisimaneq - Ineriarneq

Kalaallit Airport A/S Ilulissat aammalu Nuuk nutaaruinnarnik mittarfiit pioreersut atornagit 2200 metrinik sanaartorfigineqalersaarpus.

UKA 2017-nip ingerlanerani aningaasanut inatsisissaq 2018-nimoortoq aammalumi ukiunut missigersersuiffiusunut 2019 – 2020 aammalu 2021 suliarineqartussaaniassaaq, tamannalu sioqqullugu manna naalakkersuisoqatigiit qanoq qulaani apeqputinut aammalu tunngavilersuutinut ataani atuarneqarsinnaasunut isummersuuteqarnersut apeqquteqarfivakka.

Siullermilli inatsisartuni ilaasortatut § 37-vi normoqartoq 120 ulloq 03. marts 2017 nassiunneqarsimasoq akissuteqarfingineqarsimasoq illoqarfiit minnerusut aammalumi nunaqarfiit illoqarfikkaartumik aningaasat inatsiserisarsimasaasigut annertuumik missukutaasarsimasut.

Kalaallit Airport A/S Ilulissat aammalu Nuuk nutaaruinnarnik mittarfiit pioreersut atornagit 2200 metrinik sanaartorfigineqalersaarpus.

Ilulissat ukiorpassuarni talittarfeqarnikkut ajornartorsiuteqarput, mittarfittaarnermikkut ta-kornariarpasuit tikeralersinnaaneri takorloorneqarsinnaalluarput, taakkulu amerlanerusutes-qarluartut angallatinik kiffartuunneqaqqittarput, taamaalisoqassappallu suli talittarfeqarfimm-tattooriunneq annertusingaartussaaniassaaq.

Talittarfeqarfii soorlu Qasigiannguit-ani imarpikkut ikaartaatinut talittarfeqarfiiup qanorpiaq inissisimaneri misissuiffingineqalersarnerluni.

Ilinniartut najugaqarfii Inatsisartut allaffeqarfianut ilinniarfiit ilaanniit KTI-miit saqqummiartortoqarnikuvoq, tassanilu nassuaatigineqartunut ilaavoq ilinniartunik amerlanerusunik tingusisoqarsinnaagaluartoq taakkuli ineqarfingisinhaasaat ilaatigut pisooqavallaalersimasut naleqqukkunnaarsimasullu, taakkuinnaagunangillalli tassami aamma Aasiaat-ni ilinniartunut inissiaanertuugaluit pisooqaliivissimapput taarsorsorneqarnissaallu qalligunarluni.

Siorarsiorfik (Nuuk) sanaartorfigineqalissaguni tamanna nunatsinnut annertuumik inuiaqatigiit aaqqissuussaaneranut aammalu sumi inoqariaassuttimut sunniutilerujussuusinnaanera minne-runngitsumillu sanaartornermi aningaasatigut annertuumik sunniisinjaalluarunarpoq.

Nunaqarfiit inoqarfii minnerit pillugit isumasioqatigiinnermi peqataaninniit tusakkakka aallaavigikannerlugit taamatuttaarlu nunaqarfimm aqutsisunik oqaloqateqallattaarninni paasiniag-assaqqittannik takkuttoqallattaarsimavoq.

Tassanilu assersuutigineqarsinnaalluarpoq naalakkersuisoqatigiit isumaqatigiissutaanniit qulequttami Timersorneq ilaatigut imatut isumaqatigiissuteqartoqarsimavoq:

"Inuit tamarmik peqataaffigisinhaasaat timersuutit tamanut ammasuunerat pissusissamisoopoq, taakkulu illoqarfinni nunaqarfinnilu 200-it sinnerlugit inoqartuni timersortarfinni imaluunniit timersortarfeeqqani sammisinissaannut sinaakkutissat pisariaqartinneqartut pilersinnejassapput."

Ullut qulit suliffiusut qaangiutsinnagit akissuteqarfigineqarnissara kissaatigivara.